

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 4. sjednici, održanoj dana 02.04.2015. godine, d o n o s i

ZAKLJUČAK

I.

Prihvata se mišljenje Ministarstva za pravosuđe i upravu po Inicijativi notara Selima Brkića iz Tešnja i Inicijativi Notarske komore Federacije Bosne i Hercegovine za izmjenu člana 11. Zakona o sudskim taksama ("Službene novine Zeničko-dobojskog kantona", broj: 12/09, 4/11, 7/11, 15/11, 2/12, 9/13, 2/14, 1/15).

II.

Zaključak sa Mišljenjem Ministarstva za pravosuđe i upravu, broj 06/03-02-5886/15, upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/15.

Datum, 02.04.2015. godine

Zenica

P R E M I J E R

Miralem Galijašević

DOSTAVLJENO:

1x Ministarstvo za pravosuđe i upravu,

1x Stručna služba Skupštine,

1x a/a.



Broj: 06/03-02-5886/15
Zenica, 12.03.2015. godine

Vlada Zeničko-dobojskog kantona uputila je ovom ministarstvu inicijative notara Selima Brkića iz Tešnja i Notarske komore Federacije Bosne i Hercegovine, za izmjenu člana 11. Zakona o sudskim taksama ("Službene novine Zeničko-dobojskog kantona", broj: 12/09, 4/11, 7/11, 15/11, 2/12, 9/13, 2/14, 1/15), radi davanja mišljenja povodim pokrenutih inicijativa. U tom smislu Ministarstvo za pravosuđe i upravu daje slijedeće

MIŠLJENJE

Podnesene inicijative podrazumjevaju dopunu člana 11. Zakona o sudskim taksama ("Službene novine Zeničko-dobojskog kantona", broj: 12/09, 4/11, 7/11, 15/11, 2/12, 9/13, 2/14, 1/15) (u daljem tekstu Zakon) u smislu da se od plaćanja sudske takse izuzmu notari kad u ostavinskom postupku postupaju kao povjerenici suda, u skladu sa odredbama Zakona o nasljeđivanju u Federaciji Bosne i Hercegovine („Službene novine Federacije Bosne i Hercegovine“, broj 80/14). Odredbom člana 11. Zakona propisano je ko i u kojim slučajevima je oslobođen obaveze plaćanja sudske takse, pa je u stavu (1) tački n) propisano oslobađanje nasljednika prvog nasljednog reda za raspravljanje zaostavštine i za uknjižbu vlasništva, odnosno suvlasništva nad naslijeđenim nekretninama.

Zakon o nasljeđivanju u Federaciji Bosne i Hercegovine u članu 269.stav 3. propisuje

„Sud će u roku od 30 dana počevši od dana primjene ovog zakona povjeriti notarima u skladu sa odredbama člana 261. ovog zakona sve ostavinske predmete u kojima do dana primjene ovog zakona nije poduzeo nijednu procesnu radnju“,

dok u članu 264. propisuje:

„ U izvršenju povjerenog posla notar je ovlašten pribavljati potrebne podatke i isprave od nadležnih organa. Podnesci kojima to traži oslobođeni su od toškova sudskih i administrativnih taksi“, a

članom 267. stav 3.

“Kad u ostavinskom postupku notar postupa kao povjerenik suda, ne plaća se taksa“.

U postupku razmatranja osnovanosti inicijativa Ministarstvo za pravosuđe i upravu je zatražilo stavove svih općinskih sudova u Zeničko-dobojskom kantonu, kao i Notarske komore Federacije BiH. Sumiran stav istih je da sudovi u postupanju u ostavinskim postupcima primjenjuju Zakon o sudskim taksama Zeničko-dobojskog kantona i odredbe propisane članom 11. stav (1) tačka n) o oslobađanju nasljednika prvog nasljednog reda za raspravljanje zaostavštine i za uknjižbu vlasništva, odnosno suvlasništva nad naslijeđenim nekretninama., te da je neophodno precizno izmijeniti, odnosno dopuniti Zakon u dijelu koji se odnosi na oslobađanje od plaćanja takse, uzimajući u obzir citirane odredbe Zakona o nasljeđivanju.

Nakon dostavljenog stava na zahtjev Ministarstva Notarska komora Federacije BiH je i sama podnijela Inicijativu za izmjenu Zakona, aktima broj: 2-860/15, od 24.02.2015. godine i 2-898/15, od 26.02.2015. godine. U istoj pored navedenog ističe da će se neostvarivanje budžetskog prihoda po osnovu sudskih taksi za koje će notar biti oslobođen nadoknaditi kroz priliv putem PDV-a i putem poreza na dobit koji notari plaćaju.

Imajući u vidu naprijed navedeno a iz razloga da će se na ovaj način usaglasiti Zakon o sudskim taksama sa Zakonom o nasljeđivanju u dijelu u kojem notar kao povjerenik suda postupa u svrhu provođenja ostavinskog postupka, smatramo da predložene inicijative ima uporište u postojećem zakonodavnom sistemu.

S poštovanjem,

Po ovlaštenju ministra

Meliha Omerspahić